



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. IV. Corollaria seu illationes præcedentis doctrinæ,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

Consequentiæ, illam quæ non ex natura rei, sed ex divino decreto dimanat, quamvis indifferentiam voluntatis, & dissentientiæ potentiam absusat, qualem nec Stoici ipsi negassent à fato relinqui.

J. Tres igitur sunt necessitatem errorum, & libero arbitrio repugnantes: Stoïca scilicet, seu Fatalis, Manichaë, & Calvinistica; quæ in hoc uno omnes convenient, quod quilibet illarum tam arcta est, tamque validè hominem in operando ad unum constringit, ut facere non possit oppositum illius ad quod per illas determinatur: differunt vero in vicem, penes causam seu originem à qua procedunt. Stoici enim necessitatem in fatum reducebant, quo fati nomine, seriem inevitabilem causarum naturalium, & pricipiæ cœlorum influxum intelligebant. Unde hæc Stoïcorum vox (ut refert D. Thomas quest. 6. de malo art. unico) *Talis est voluntas in hominibus, qualem induxit pater virorum, deorumque, id est celum, vel Sol, ut ibidem explicat S. Doctor. Manichæi vero necessitatem ingenitæ & naturali malitia animæ tribuebant, quæ ita animam hominis bonam, vel contagione inficeret, vel vi abriperet, ut non sineret nisi malum velle. Sed Calvinistæ demum necessitatem nostrorum actuum, ad causam incretam, videlicet efficax diuinæ voluntatis decretum, referunt. Unde Calvinus i. Instit. cap. 16. secl. 8. sic loquitur. Nos etiæ de verbis non litigamus, fati tamen vocabulum non recipimus: tum quia est ex eorum genere quorum prophanas novitates refugere nos Paulus docet, tum quia ejus odio conantur gravare Dei veritatem. Dogma vero falso ac malitioso objectatur, non enim cum Stoicis necessitatem comminiscimur ex perpetuo causarum nexu, & implicita quadam serie, quæ in natura continetur: sed Deum constitutissimum arbitriu ac moderatorem omnium, qui pro sua sapientia ab ultima eternitate decrevit quid facturus esset, & nunc sua potentia quod decrevit exequitur.*

J. Quare totum hunc articulum cōcludo eo Syllogismo cuius majore propositionem suggerit P. Lemos apud Joannem à S. Thoma. Si Calvinus verè ac sincerè, sine dolo, & sine repugnancia ad sua principia, docerer ex divino decreto non aliam in actus humanos indui necessitatem, quām consequentiæ, non erraret, sed verè doctrinam Catholicam teneret: At Calvinus non docet verè & sincerè, sed cum dolo & repugnancia ad sua principia, ex divino decreto, non aliam quām consequentiæ in actus humanos indui necessitatem, ut pluribus ostensum est: Ergo Calvinus errat in materia libertatis, nec Catholicam doctrinam sequitur.

J. Ex quo intelliges, quām perspecta fuerit doctrina Calvini P. Lemos, homini licet Hispano, in Hæreticorum tamen doctrina versatissimo, & quām verosimillimum sit quod narrat Joannes à S. Thoma, quod cum perorasset, ita concituit Cardinalis Perroni à quo fuerat interruptus, ut etiam annuere visus sit. Quin etiam hoc quoque addendum est, quām incognita sit doctrina Calvini P. Annato, & quām non solum improbabile, sed & prorsus repugnans sit quod asserit, Calvinum libertatem indifferentiæ, ac dissentientiæ motioni divinae gratiæ potestatem abstulisse, & nihilominus non aliam quām consequentiæ, que libertatem non destruit, in actus humanos induisse necessitatem. Quām etiam inusta sit defensorum scientiæ mediae petitio,

A quia cūm aperta adeo, ac cuilibet, etiam minus perito & tyroni, obvia Thomistarum inter & Calvini doctrinam discrimina sint, in ea præcisè dubitatione quā petitur, sit-ne aut non sit in homine liber arbitrij usus aliquis, adhuc ea quærum, aut querere simulant.

Intelliges demum, quām bellè Adversarius disp. 1. cap. 1. libri de Scientia media dixerit, quod *scientia media magnas habet opportunitates: hominum enim fortis ac fidem domesticâ utilitate metitur; & pro varia rerum, temporum, occasiōnum, & utilitatum combinatione, Thomistas (quamvis antiqua sua doctrina mordicis adhærentes, & immobili stabilitate fixos in fide) modò hæreticos, modò orthodoxos prædicat, ut causa sua viderit expedire.*

341

ARTICVLVS IV.

Corollaria seu illustrationes præcedentis doctrine.

C Acilis est veritati aditus, quod sese ab eorum manibus subducatur, quibus injustè vexatur, eludatque non fugâ, sed exitu eorum conatus. Plures alia Thomistarum responsiones sunt, quæ cum iis quas jam satis defendimus, solo loquendi modo discrepant, & eadem facilitate à censura & impugnatione Adversarij defenduntur. Altera igitur est quam ex Joanne à S. Thoma P. Annatus refert num. 113, Calvinum scilicet errasse, eo quod posuerit decretum prædeterminans voluntatem, sed extingendo & non servando libertatem, seu (ut alij dicunt) posuisse decretum, quod voluntas ad necessariò non ad liberè agendum impelleretur, & non differre à decreto Thomistarum, quod non extinguit, sed cauſat, & foveat libertatem, nec ad necessariò, sed liberè agendum impellit. Ad idem pertinet quod ex Thomistis alij dicunt, decretum prædeterminans Calvinisticum, attingere solum substantiam nostrorum actuum, & non curare de modo libertatis: prædefinitiones vero quas docent Thomistæ, ad utrumque se extendere, nec solum substantiam, sed etiam modum libertatis, in nostris actibus efficere.

352

Satis ex jam probatis hoc disserimen Thomistarum inter & Calvinii sententiam, velut corollarium consequitur; libertas enim, seu modus libertatis, in Thomistarum sententia, tria includit, unum ex parte intellectus, indifferentiam scilicet objectivam judicij, & duo ex parte voluntatis, nempe immunitatem, tum à coactione, tum à necessariâ determinatione ad unum: id est spontaneitatem, & actualiæ voluntatis indifferentiam, seu potentiam ad oppositum: Ergo id est dicere, Calvinum errasse in eo quod posuit decretum prædeterminans, non servando libertatem, vel decretum non attingens modum libertatis, ac asserere illum esse hæreticum, eo quod actualiæ voluntatis indifferentiam, seu potentiam ad oppositum, in voluntate prædeterminata negaverit: in quo (ut fatetur Adversarius locis suprà relatis) totius Calvinisticæ erroris summa consistit.

364

Nec verò in hoc est, ut ipse putat, ineptus aliquis verborum circulus: enim cūm à Thomistis queritur, quid sit actionem ut liberam, seu cum modo libertatis, prædefiniri? Respondent facile, esse voluntatem sic agere, vel sic agendum impelli, ut sub divina motione, non solum

37.

spontaneitatem, seu immunitatem à coactione, sed etiam actualem indifferentiam, & proximam dissentendi potentiam retineat & conservet; quod tantum à Calvinio Thomistas sejungit, quantum ab errore veritas sejuncta est. Certe tota potius Adversarij argumentatio, inepto quodam verborum circulo & volvitur & revolvitur super hæc duo falsa principia, quæ semper supponit, & nusquam probat. Alterum; Thomistas ad humanorum actuum libertatem, duo tantum requirere, nempe indifferentiam judicij, & immunitatem à coactione: alterum vero, Calvinum solam necessitatem consequentia, & non consequentis, ex divinorum decretorum efficacia in actus humanos induxit; quæ duo quantum à veritate distent, jam satis probatum est. Unde non habet magnam vim, & in levissimum fumum resolvitur ejus argumentatio, dum sic discurrit num. 116. *Prædefinitio actuum elicendorum, stante indifferenti ex parte intellectus propositione objectorum circa qua illi actus versantur, est prædefinitio actuum ut liberorum, seu cum modo libertatis, juxta Thomistas: Sed prædefinitio Calvini est prædefinitio actuum, stante indifferenti ex parte intellectus propositione objectorum circa qua illi actus versantur; ille enim nullo unquam loco negavit indifferentem illam objectorum propositionem: Ergo prædefinitio Calvini, est prædefinitio actuum ut liberorum, seu cum modo libertatis, qualem docent Thomisti.*

58. Huic enim argumento, quod ita à veritate deviat, ut & Major & Minor falsæ sint, duplum responderetur. Primo itaque Majorem negant Thomistæ, cā præcisione sumptam, ut prædefinition que nihil aliud, præter propositionem indifferentem objecti affert, sit actuum liberorum prædefinition, juxta Thomistas, millies enim dictum est, ad prædefinitionem actuum liberorum, seu cum modo libertatis, præter indifferentiam objectivam judicij, ex parte intellectus, actualem indifferentiam, seu absolutam dissentendi potentiam, ex parte voluntatis, juxta Thomistas, requiri. Cum eam igitur Calvinus supra relatus, non solum ut inutilem repudiet, sed etiam ut monstrum detinetur; manifestum est Calvini Thomisticam actum liberorum prædefinitionem minimè admisisse.

59. Sed præterea Majori propositioni falsæ, etiam Minor propositio, ut recte cohærent, falsa subiicitur. Negat itaque Majori, iterum Minor me nego. Calvinus enim (ut supra art. 2. ostendimus) negavit in homine moto per gratiam indifferentiam objectivam judicij; & quamvis eam expressè & formaliter non negasset, illam tamen sustulit implicitè, virtualiter, & in actu exercito, eo ipso quod docuit, voluntatem à Deo moveri solum spontaneè, & non liberè, sicut bruta incitatur ad pavulum, vel sicut equus movetur à sessore: sublatâ enim voluntatis indifferentia, arguitivè, & per locum extrinsecum, indifferentia objectiva judicij tollitur; cum repugnet in intellectu esse indifferentiam objectivam judicij, & in voluntate solam spontaneitatem, seu determinationem ad unum per modum naturæ, ut supra ostensum est. An vero non potuerit Calvinus contra rationem errare, qui erravit contra fidem? Duplici errore, ut sapius diximus, & malus Philosophus, & pejor Hæreticus peccavit. Contra fidem, negando in voluntate libertatis indifferentiam. Contra rationem, dum admittens in intellectu indifferentiam judicij, indifferentiam

A quæ necessariò sequitur in voluntate negavit.

Consequitur iterum ex dictis, Calvinum crassā & apertā contradictione semetipsum impli-
casse, & à principiis positis recessisse, dum do-
cuit lib. 3. Instit. cap. 23. Deum prævidisse lap-
sum Adami, quia decreto suo ordinarat, il-
lumque non modo primi hominis casum prævi-
disce, sed & arbitrio quoque suo id dispensasse.
Quæ enim ratione hoc cohæreat cum eo princi-
pio quod alias tortes statui, nulla fuisse in statu
innocentia efficacia decreta? Etenim si nulla pro
eo statu decreta efficacia fuerint, non potuit in
aliquo decreto casum Adami dispensasse, hoc
enim decretrum esset efficax. Quod si decreto ef-
ficaci Adami lapsum dispensavit: Ergo pro eo
statu decreta efficacia sunt. Sanè non compone-
ret Calvinus hæc duo principia, licet ad excogi-
tandam concordiam, totius orbis ingenia voca-
ret. At vero quod negaverit Calvinus pro statu
innocentia decreta efficacia, notissimum est, &
multis ostendit P. Dechamps, novissimus So-
cietas scriptor, lib. 1. de Hæresi Janseniana cap.
3. ubi notat Calvinum plus vices negasse auxilia
efficacia (quæ decretorum efficaciam execu-
tiones sunt) in statu innocentia; voluitque (quod
Augustini esse putavit) Adamum in eo statu ha-
buisse solum auxilium sine quo non, seu purè
sufficiens, subditum ejus libero arbitrio, quan-
tum ad efficaciam & usum; nos autem in statu
natura lapsæ recipere ex meritis Christi adjuto-
rium quod, sive efficax, quod necessitate voluntati
ad agendum, omnemque ejus indifferentiam ac dissentendi potentiam absorbet. Imo hoc
uno ferè arguento, Tridentini decretum quod
statuitur hominem prævenienti gratiæ dissentire
posse, si velit, oppugnat.

Rectè igitur P. Lemos (referente Joanne à S. Thoma) Cardinali Perronio in Congregatione de auxiliis respondit, quod Calvinus aliter locu-
tus est de Adam ante peccatum, & aliter de homi-
ne post peccatum. De Adam enim ante peccatum
dixit habuisse libertatem, nec Deum determinasse
quid esset acturus &c. Hæc enim est apertissima
Calvini doctrina libro 2. Instit. cap. 3. ubi ait:
*Voluntatem movere Deus, non qualiter multis se-
culis traditum est & creditum, ut nostræ postea sit
electionis, motionis aut obtemperare aut refragari.*
Talem fuisse hominis adhuc stantis conditionem
concedimus, ut potuerit ad alterutram partem in-
clinare, sed cum suo exemplo docuerit, quam mi-
serum sit liberum arbitrium, nisi Deus in nobis &
velit & posset, quid fieri nobis, si adeum modulum
suam gratiam nobis imperit. Quare immerito
responsione P. Lemos reprehendit & sugillat
P. Annatus, & virum sapientissimum, quem
scholasticarum questionum nihil latebat, in do-
ctrina Calvini peregrinum dicit, utpote *Hominem
Hispanum, qui etatem contriverat in umbra scho-
larum & pace, sine ullo cum Hæreticis commercio.*
Imo certo Jesuita Gallus, inter ipsos Hæreticos
degens, & hoc Calvinianæ doctrinæ principium
ignorans, Hispano Dominicano cessit, & lau-
dem omnem detectæ hæresis reliquit viro, qui in
umbra Scholarum & pace, sine ullo cum Hæreticis
commerciali, hæresis tamen omne venenum de-
xit.

A.R.T.

SEV CALVINISMI ET IANSENISMI DEPVLSIO.

345

ARTICVLVS V.

Responso ad testimonia Calvinistarum ab Adversario objecta.

Quid non in desperatae cause patrocinium tentavit Adversarius, cœlo terraque evocatis copiis in nos insurgens? Infelici glutine, Patribus Hæreticos; Orthodoxis molles, rigidosque Calvinistas attexuit; illudque furentis Deæ, cum Poëta, exclamasset dixeris,

Flebile si neque superos, Acheronta movebo.

Verum inter extremos æstuantes animi impetus moderator Juno: ab Iove liquidem initium belli auspiciatur, advocatque primi in patrocinium suum cœlestis numen; nec nisi subtrahito hoc iuvamine, interpellat Acherontem. Acheronti primas derulifus videtur Adversarius: nam Molinaum, Amesium, Twissium, simileisque ultime pravitatis Novatores, & inferni satellites ac ministros, supplex sibi pugnae in Thomistis patronos primò asciscit; nec nisi negato aut evacuato futili hoc auxilio, cœlos pulsat, vocatque ultimos desperatae causaे sue protétores, licet invitatos, Waldensem, Bellarminum, Perronium, Sotum, viros inclita fidei, consummatæque sapientia, nulloque jure Hæreticis non dico postponendos; sed nec componendos, maxime à viro Catholicō & Religioso.

Objicit ergo primò iudicium Petri Molinæ, qui in Anatome Arminianismi, dum explicat quiam sint illi Pontificij, qui sua, hoc est Calvini doctrinæ, repugnant, eos esse dicit qui *Pelagianum ita interpolarunt, sicut Arminiani Papismum*. Unde cùm Arminiani in materia de gratia & prædestinatione, Molina & Jesuitarum doctrinam sequantur, concludit Adversarius: *Quis non vides Papismum, hoc est non Calvinismum, converti cum doctrina Jesitarum?* subinde Thomistarum doctrinam adversam, ad non Papismum, seu Calvinismum pertinere.

63. Verum non habet magnum pondus ab Hæretici autoritate petiti argumenti: quid enim si respondeam, *nusquam tuò credi iis hominibus, qui Deo credere noluerunt. Agnoscat hæc verba, & probabit forsitan Adversarius quæ scriptis disp. 1. cap. 1. libri de scientia media. Sanè non posset esse iniquior Catholicorum conditio, quam ut Hæreticos, qui fidem omnem & æquitatem abjecerunt, judices haberent.*

64. Secundò, si hoc Molinæ testimonium vim aliquam habeat, non minus Adversarijs quam Thomistis negotium faciet. Nam Arminiani non solum reiciunt prædefinitiones absolutas, & à prævisione scientiae mediae independentes, sed etiam prædestinationem gratuitam, & præscientiam meritorum antecedentem. Ergo si quidquid Arminiani docent in materia de gratia & prædestinatione, ad Papismum pertineat, & oppositum ejus ad Calvinismum, illud etiam consequitur, doctrinam de gratuita prædestinatiorum elecione, ad non Papismum, seu ad Calvinismum pertinere: quod quam temerarium esset afflere, facile Adversarius advertit ex his quaes de prædestinatione gratuita Bellarminus dixit libro 2. de gratia & libero arbitrio cap. 11. *Hac (inquit) sententia, non quorumvis Doctorum opinio, sed fides Ecclesiæ Catholice dici debet.* Tum etiam, quia ipsemet Adversarius supra pagina 512. editionis Tolosanæ Scripturis, Augustino, & alijs probata-

Tom. I.

A toribus Theologis, hanc sententiam conformiorem esse fatetur. Tum denique, quia Suarez, Bellarminus, Toleus, Ruizius, Salmeronius, Maldonatus, aliique celebriores Societatis Theologi, ei adhærent. Unde si illa ad non Papismum, seu Calvinismum pertineret, sequeretur Doctrinam Societatis, cum non Papismo, seu Calvinismo converti.

Tertiò, ut verissimam solutionem subhingam, duplice potest aliqua sententia dici pertinere ad Papismum. Primo quia à Summo Pontifice, tanquam de fide certa sancta ac definita est. Secundo, quia ab illo & Romana Ecclesia toleratur, aut permittitur. Si Papismus primo modo sumatur,

B neutra opinio vel affirmans vel negans scientiam medianam, aut prædefinitiones absolutas & efficaces, potest dici ad Papismum pertinere, cum neutrā tanquam de fide tenendam, Romanus Pontifex definierit. Si vero Papismus secundo modo sumatur, utraque sententia & affirmans & negans, ad Papismum pertinet, quia Summus Pontifex utramque approbat & permittit, ac disputationi Theologorum relinquit. Dicimus igitur, etiam salvâ Adversariorum pace, Papismum totum intra Jesuitarum Scholam minimè concludi, sed etiam ad Papismum pertinere, seu ab Ecclesia Romana, Pontificibusque D. Thomæ & Thomistarum doctrinam probari; neque Arminianos duntaxat, quibus jam novus Molinistarum titulus accessit, sed & Thomistas, & quotquot Catholici sunt, Calvino repugnare.

Sed demum, si quid authoritatē tribuendum est perditæ fidei homini, & heretico, Virum Religiosum, integrumque fidei oppono, ut constet Arminianos, non Papismum interpolasse, ut falsò Molinæ scripsit, sed Semipelagianismum restituisse. Testem adduco Patrem Franciscum à S. Augustino Macedo, Franciscanum Observantem, Magistrum Artium, & Sacrae Theologie Professorem, nec non Serenissimi Lusitaniae Regis Historiographum Latinum: hic enim in libro cui titulus est, *Mens divinitus inspirata Sanctissimo Patri Domino nostro Innocentio X. super quinque propositiones Iansenij*, quem Londini edidit inter ipsos, ut ait, tum rigidos Calvinistas, tum Arminianos, & Socinianos degens, qu. unica art. 1. testatur Arminianos & Socinianos, in materia de gratia & prædestinatione, Semipelagianos esse: *Arminiani (inquit) & Sociniani, qui quid SEMIPELAGIANI SUNT, plures damnari volebant Iansenij propositiones.* Et art. 5. circa quartam propositionem Jansenij, distinguunt inter Semipelagianos puros & mixtos, & docet quid primi semini fidei & bona voluntatis in nuda natura ex integro ponebant; alij vero naturæ gratiam adjungebant, sed eam talem esse dicebant,

D ut subjecta arbitrio, ab ea penderet; idque probat pluribus argumentis, quorum quartum sumitur ab eorum (inquit) exemplo, qui hodi Semipelagianismum proficiuntur, partimque cum Pelagianis in nudis naturæ actibus (cujusmodi sunt Sociniani) parim in natura adjuta solâ communè & indifferenti gratiâ (quaes sunt Arminiani) ini-
tiū meriti ponunt, ac urique suam iisdem rationibus tuerintur sententiam, quibus olim Semipelagiani mixti & puri tuebantur.... Doceant ergo nos NOVI SEMIPELAGIANI, quid de antiquis illis sentendum sit. Et infra. Cūm duo sint errores extremitatiæ gratiam, unus qui eam necessitatem & irrefutabilem, ut aiunt, facit, in quo est Lutherus, & Calvinus, & Aseclæ, qui Manicheismum inven-

X x

65:

66: